

- प्रधानमंत्री नरेन्द्र मोदी होरें आक्खेआ जे बीजेपी सरकार नै मुख्य च शांति जकीनी करने आस्तै आतंकवाद गी करारा जवाब दित्ता ऐ।
- चुनां आयोग समाज दे मते कमजोर जनजातीय तबकें गी जागरूक करने ते उनेंगी बी मुख्य धारा कन्नै जोड़ने लेई विषेश ते अनथक जतन करा'रदा ऐ।
- भारत नै षक्सगाम घाटी च निर्माण गतिविधिएं दे सरबंधें च तथ्यें गी बदलने दे चीन दे गैर कनूनी जतनें पर सख्त विरोध दर्ज करवाया ऐ।
- भारत ते इंडोनेषिया बष्कार संयुक्त रक्षा सैह्योग समिति दी 7मीं बैठक कल नमीं दिल्ली च होग।
- मौसम विभाग नै अज्जै तगर पच्छम बंगाल, ओडिषा, झारखंड ते बिहार च बड़ी मती गर्मी ते लूह चलने दी पेषगोई कीती दी ही।

<><><><><><>

Gujrat PM

प्रधानमंत्री नरेन्द्र मोदी होरें आक्खेआ ऐ जे बीजेपी सरकार नै पूरे मुख्य च शांति जकीनी करने आस्तै आतंकवाद गी करारा जवाब दित्ता ऐ। प्रधानमंत्री होरें कांग्रेस पर बंड दी राजनीति च शामिल होने दा दोश लाया ते आजादी मगरा दहाके बाद तमिलनाडू दे कष इक द्वीप गोआंढी मुख्य गी सौंपने दे ओहदे फ़ैसले दी नुकताचीनी कीती। मोदी होरें फ़ही दोहराया जे बीजेपी सरकार लौहकें द्वीपें दी सुरक्षा ते सैलसफा दे विकास आस्तै वचनबद्ध ऐ। मोदी होर कल्लै थमां गुजरात च चुनां प्रचार करा'रदे न। उनें जामनगर च बी इक रैली गी संबोधत कीता। तोआई कांग्रेस दे वरिष्ठ लीडर ते राजस्थान दे साबका मुख्यमंत्री अशोक गहलोट होरें अज्ज अहमदाबाद च इक प्रेस कांफ्रेंस गी संबोधत करदे होई जकीन दोआया जे कांग्रेस दा घोशणा पत्र समाज दे हर इक वर्ग गी बरोबरी ते न्याह दोआने दी गरंभी दिंदा ऐ। अशोक गहलोट होरें मुख्य च लोकतंत्र दी सुरक्षा पर चिंता प्रगट करदे होई आक्खेआ जे बीजेपी दे राज च लोकतंत्र खतरे च ऐ ते बीजेपी मुद्रास्फीति ते बेरोजगारी दे मुद्दे परा लोकें दा ध्यान भटकाने लेई लोकें गी गुमराह करै करदी ऐ। प्रधानमंत्री नरेन्द्र मोदी होरें देशवासिं गी जकीन दोआया ऐ जे जिसलै भारत अपनी अजादी दे सौ ब'रें दा जप्न मना करदा होग, तां उसलै ओ इक विकसित मुख्य बनी गेदा होग। मोदी होर अज्ज गुजरात दे सुरेन्द्र नगर ते आनंद च इक दे बाद इक चुनां रैलिं गी संबोधत करदे होई एह गल्ल आक्खी। उनें आक्खेआ जे पिछले 10एं ब'रें दरान मुख्य नै एनडीए दे राज च बड़ा मता बदलाव दिक्खेआ ऐ। उनें गलाया जे भारत कुल संसारी सतह दे मामले च इक महत्वपूर्ण भ्याल बनी गेदा ऐ ते दुनिया दे बड्डे बड्डे मुख्य अंतर्राष्ट्रीय मसलें ते तनाजे गी हल्ल करने लेई भारत गी पैची करने दी गुजारष करा करदे न। उनें आक्खेआ जे दुनिया च भारत दी साख, ओहदा रूतबा ते रसूख पिछले 10एं ब'रें च जिन्ना बधेआ ऐ ते जिस स्तरै पर पुज्जी गेदा ऐ ओ एहदे षा पैहले कदें नेई हा। कांग्रेस पार्टी दिं नीतिं दी सख्त नुकताचीनी करदे होई मोदी होरें आक्खेआ जे इस पार्टी नै देश दे कमजोर, दबोए लतडोए दे ते पिछड़े वर्गें दी भलाई बेह्तरी लेई किष नेई कीता ते हून अपने सियासी मफाद हासल करने लेई गरीबें दा षोशण करा करदी ऐ ते होरने पिछड़े वर्गें यानि ओबीसी समुदाय कन्नै बेन्यायी करा करदी ऐ। मोदी होरें अग्गे आक्खेआ जे उंदी सरकार धर्म दे नां पर आरक्षण दिं कोष्टें गी कदें कामयाब नेई होन देग। इससै चाल्ली आम आदमी पार्टी दी नेता सुनीता केजरीवाल होरें अज्ज दिल्ली च चुनां प्रचार कीता। उनें अपनी पार्टी दे भावनगर थमां मेदवार उमेष मकवाना हुंदे हककै च इक रोड षो बी कीता। लोकसभा चुनां दे अगले गेड़ लेई चुनां प्रचार जोरें-षोरें जारी ऐ ते हर इक पार्टी मतदाताएं गी अपने हककै च करने लेई अपनी पूरी टिल्ल ला करदी ऐ।

<><><><><><>

Bihar Rajnath

बीजेपी दे वरिष्ठ नेता ते रक्षा मंत्री राजनाथ सिंह होरें आक्खेआ ऐ जे अपने त्रीये कार्यकाल दरान प्रधानमंत्री नरेन्द्र मोदी होर ब'रे 2027 तगर भारत गी दुनिया दी त्रीये नंबरै दी सब्बनें षा बड्डी अर्थबवस्था बनाई देंग। उनें दोश लाया जे कांग्रेस ते आरजेडी बिहार च लालटेन आला दौर वापस आहन्ना चांहदे न। सरन

निर्वाचन हल्के दे छपरा इलाके च इक जनसभा गी संबोधत करदे होई श्री सिंह होरें आकखेआ जे कांग्रेस आरक्षण, धर्म ते संविधान दे नांह उप्पर लोकें दी गी गुराह करना चांहदी ऐ। राजनाथ होरें आकखेआ जे प्रधानमंत्री मोदी होर देसै दे विकास लेई समर्पित न।

<><><><><><>

UP-Campaign

उत्तर प्रदेश च अज्ज बक्ख-बक्ख राजनीतिक दलें दे केई स्टार प्रचारक अपने अपने मेदवारें दे समर्थन च रोड षो ते रैलियां करा'रदे न। केन्द्री गृह मंत्री ते बीजेपी दे वरिष्ठ नेता अमित षाह होरें बरेली जिले च समाजवादी पार्टी दी सख्त निंदेया करदे होई आकखेआ जे लोक इस बारी अराजकता ते भाई-भतीजावाद दे बजाए विकास गी चुनन जा'रदा ऐ। बदायूं जिले च इक होर जनसभा गी संबोधत करदे होई षाह होरें आकखेआ जे लोकें दा बीजेपी पर पूरा विष्वास ऐ ते पार्टी नै घोशणा पत्र च दित्ते गेदे अपने वायदें गी पूरा कीता ऐ। मुख्यमंत्री ते बीजेपी दे वरिष्ठ नेता योगी आदित्यनाथ मैनुपुरी निर्वाचन क्षेत्र च विषाल रोड षो कीता ऐ। दूर्ई भेठा बदायूं च इक रैली गी संबोधत करदे होई समाजवादी पार्टी प्रमुख अखिलेश यादव होरें आकखेआ जे बीजेपी राष्ट्र गी गुमराह करा'रदी ऐ। करसानें दे मुद्दें पर उनें आकखेआ जे इंदी पार्टी एमएसपी गारंटी दे पक्ख च ऐं बहुजन समाज पार्टी सुप्रीमो मायावती मैनुपुरी च इक रैली गी संबोधत करगंन। बहुजन समाज पार्टी नै 5में गेड़ च होने आले 6 लोकसभा सीटें ते इक विधानसभा सीट आस्तै पार्टी मेदवारें दी इक होर सूचि जारी कीती।

<><><><><><>

Mamta Campaign

तृणमूल कांग्रेस प्रमुख ममता बेनर्जी होरें आकखेआ जे तृणमूल कांग्रेस दे षासन च पच्छम बंगाल विकास करा'रदा ऐ पर केन्द्र सरकार राज्य दी अन्नदिकखी करा'रदी ऐ। ओह पच्छम बंगाल दे नदिया जिले च तेहट्टा च कृष्णा नगर थमां पार्टी मेदवार दे समर्थन च इक जनसभा गी संबोधत करा'रदियां हियां। सुश्री ममता बनर्जी होरें आकखेआ जे ओह पच्छम बंगाल च नागरिकता संषोधन अधिनियम सीएए ते राष्ट्रीय नागरिक रजिस्टर एआरसी गी लागू नेई होन देग। उनें दावा कीता जे राज्य सरकार दी बक्ख-बक्ख कल्याणकारी योजना राएं महिलाएं सनें आम लोकें गी लाह दित्ता जा'रदा ऐ। सुश्री ममता बनर्जी होरें लोकें थमां बीजेपी मार्च दा विरोध करने ते केन्द्र सरकार च इक बक्खरी सरकार चुनने गी आकखेआ।

<><><><><><>

EC-PVTG

चुनां उसलै होर मते असरदार बूमतलब ते प्रासंगित होई जंदे न जिसलै आम जनता इंदे च बधी चढियै हिस्सा लैदी ऐं चुनां च जनता दी मती षमूलियत जकीनी बनाने लेई निर्वाचन आयोग केइएं दहाकें थमां अनकथ जतन करदा आवै करदा ऐं आयोग समाज दे मते कमजोर जनजातीय तबकें गी जागरुक करने ते उनेंगी बी मुखधारा कन्नै जोड़ने लेई अनकथ जतन करदा आवा करदा ऐं तां जे ओब्बी इस लोकतांत्रिक प्रक्रिया दा इक महत्वपूर्ण हिस्सा बनियै लोकतंत्र गी मजबूती देने दी प्रक्रिया दा अहम हिस्सा बनी सकन। आकाषवाणी दे संवाददाता नै जानकारी दित्ती ऐ जे पिछले दऊं बरें दरान चुनां आयोग नै इत्त भेड़ा निगगर गैई पुट्टियां न, टकोहदा करियै मते संवेदनशील जनजातीय तबकें गी चुनावी प्रक्रिया च षामल करने लेई जेहदे लेई उनेंगी जागरुक करने, उंदे नां दर्ज करने, उनेंगी वोट ते चुनां दी प्रक्रिया, महत्व ते मकसद बारे समझौने लेई विषेश अभियान चलाए गे। उंदे तगर पुज्जियै विषेश कैंपें राएं उनेंगी जागरुक ते प्रेरत कीता जेहदे नतीजे च इस समुदाय कन्नै तालुक रखने आले योग्य मतदाताएं दा कर्नाटक ते ओडिषा च 100 प्रतिषत पंजीकरण दर्ज कीता गेआ ऐ। एहूदे इलावा केरल, तमिलनाडू, बिहार r | >kj[kM p ch bu: dk'Vi n: v l jnkj r| fny c/kku: vky| urht| lkeu: vkok djn: uA

<><><><><><>

म्ह |कअपेवतल

चुनां आयोग नै सब्बने राष्ट्रीय ते राज्य दे राजनीतिक दलें आस्तै इक परामर्ष जारी कीता ऐ। एहूदे मूजब सब्बने दलें गी कुसै बी इप्तेयार, सर्वेक्षण जां ऐप दे राएं चुनां मगरा लाभार्थी-उन्मुख योजनाएं आस्तै व्यक्तिएं गी पंजीकृत करने आली कुसै बी गतिविध गी फौरी बंद करने ते ओहूदे थमां दूर रौहने लेइ

आक़खेआ गेआ ऐ। आयोग नै आक़खेआ ऐ जे चुनां मगरा लाह लैने लेई पंजीकरण आस्तै मतदाताएं गी साददा देना निर्वाचक ते प्रस्तावित लाह बष्कार लैन-देन दे सरबंध दा आभास दिंदा ऐ।

<><><><><><>

MEA Briefing

भारत नै षक्सगाम घाटी च निर्माण गतिविधिएं दे सरबंधे च तथ्ये गी बदलने दे चीन दे अवैध जतनें पर सख्त विरोध दर्ज कीता ऐ। नमीं दिलली च मीडिया गी जानकारी दिदें होई विदेश मंत्रालय दे प्रवक्ता रणधीर जयसवाल होरें आक़खेआ जे भारत षक्सगाम घाटी गी अपना क्षेत्र मन्नदा ऐ ओह 1963 दे स्थित चीन-पाकिस्तान सीमा समझौते गी मंजूर नेई करदा। इस समझौते राएं पाकिस्तान नै गैर कनूनी ढंगे कनूने इस क्षेत्र गी चीन गी सौंपने दा जतन कीता हा। प्रवक्ता नै आक़खेआ ऐ जे भारत नै जमीनी सतह पर तथ्ये गी बदलने दे गैर कनूनी जतनें खलाफ चीन अगो विरोध दर्ज कराया ऐ। जयसवाल होरें आक़खेआ जे भारत गी अपने हितें दी राखी आस्तै लोडचदियां गैह पुट्टने दा हक्क ऐ। भारत नै अंतर्राष्ट्रीय धार्मिक आजादी पर अमरीकी आयोग दी इक रिपोर्ट दे नतीजे गी खारज करदे होई आक़खेआ जे एह राजनीतिक एजेंडे आला इक पक्षयाती संगठन ऐ। एह भारत दी विविधता, बहुलवारी ते लोकतांत्रिक लोकाचार गी समझने दी कोष च नाकाम रेआ ऐ।

<><><><><><>

India Indonaesia

भारत ते इंडोनेषिया बष्कार संयुक्त रक्षा सैहयोग समिति दी 7मीं बैठक कल नमीं दिलली च होग। भारत दी भेठा दा रक्षा सचिव गिरधर अरमाने ते इंडोनेषिया दे रक्षा महा सचिव रिटैर एयर मार्शल डोनी एरमवन टौफेन्टो बैठक दी अध्यक्षता करगंन। इंडोनेषिया दे रक्षा महा सचिव त्रै दिन दे भारत दौरे पर नमीं दिलली ते पुणे च भारतीय रक्षा उद्योग जगत कन्ने गल्लबात करगंन। दौनें मुख्ये बष्कार रक्षा सैहयोग समझौता 2001 च होआ हा। 2018 च भारत इंडोनेषिया दे सरबंधे गी व्यापक रणनीतिक सांझेदारी तगर बधाया गेआ, जिसदे च रक्षा उद्योग, विज्ञान ते प्रौद्योगिकी दे क्षेत्र च सैहयोग दे नमें रस्ते खुल्ले।

<><><><><><>

IMD

मौसम विभाग नै पच्छम बंगाल, झारखंड, ओडिषा ते बिहार च अज्ज आस्तै बड़ी मती गर्मी ते लूह चलने दी पेषगोई कीती दी ही। विभाग दा गलाना ऐ जे इस्सै चाल्ली दी स्थिति षुक्रवार तगर भारत दे दक्खनी हिस्से च बी बनी रौहने दी षैका ऐ। अगले 5 दिनें दरान महाराष्ट्र, रायलसीमा, गुजरात, तमिलनाडू ते आंध्रप्रदेश ते ऐतवारें तगर मध्य भारत च लूह दी स्थिति बने रौहने दी षैका ऐ। मौसम विभाग ने गांगेय पच्छम बंगाल, पूर्वी झारखंड, उत्तरी ओडिषा ते रायलसीमा च षुक्रवार तगर बद्धोबद्ध तापमान 44 थमां 47 डिग्री सैल्सियस बष्कार रौहने दा अनुमान जाहर कीता ऐ।

<><><><><><>

